



Комисија за одлучивање о сукобу интереса

Комисија за одлучивање о сукобу интереса
Повјеренство за одлучивање о сукобу интереса
Одлука је коначна са даном 10.2.2017. године

Број: 04-50-72-9/16 (KOSI)
Сарајево, 25.01.2017. године
(А.Н.)

Потпис овлашћене особе



На основу члана 18. Закона о сукобу интереса у институцијама власти Босне и Херцеговине („Службени гласник Босне и Херцеговине“, број: 16/02, 14/03, 12/04, 63/08, 18/13, 87/13, 41/16), члана 16. Пословника о раду Комисије за одлучивање о сукобу интереса („Службени гласник БиХ“, број 51/14) и члана 15. Правилника о поступку („Службени гласник БиХ“, број: 56/14), Комисија за одлучивање о сукобу интереса (у даљем тексту: Комисија), на 10. сједници, одржаној дана 25.01.2017. године, у предмету Анка Гуделјевић, , донјела је сlijедећу

ОДЛУКУ

1. Утврђује се да је у периоду од 20.04.2015. године до 13.12.2016. године, док је Анка Гуделјевић обављала функцију саветнице у ureду замјеника министра у Министарству ванjsких послова Босне и Херцеговине, блиски сродник, супруг именоване Перо Гуделјевић, истовремено обављао функцију директора Јавног предузећа „ЛУКА БРЧКО“ д.о.о. Брчко дијстрикт БиХ, чиме је прекршила одредбе члана 4. став (1), члана 5. став (1) а у вези са чланом 8.а Закона о сукобу интереса у институцијама власти Босне и Херцеговине.

2. За повреду закона описану под тачком 1. диспозитива ове одлуке, Анкици Гуделјевић се изриче санкција из члана 20. став (3) и став (4) Закона о сукобу интереса у институцијама власти Босне и Херцеговине, и то обустава исплате дијела нето мјесечне плаће/примања у износу од 10% коју именована остварује као саветница у ureду замјеника министра у Министарству ванjsких послова Босне и Херцеговине, у трајању од 3 (три) мјесеца.

Образложење

Комисија је по службеној дужности, покренула поступак против Анкице Гуделјевић одлуком број: 04-50-72-6/16 (KOSI) од 07.12.2016. године због кршења одредба Закона о сукобу интереса у институцијама власти Босне и Херцеговине, са чињеничним и правним описом као у диспозитиву Одлуке.

У доказном поступку извршен је увид у изјаву именоване од 27.12.2016. године, Одлуку о разрешењу дужности директора ЈП „ЛУКА БРЧКО“ д.о.о. Брчко дијстрикт БиХ број: 2022/2016 од 16.12.2016. године, Рјешење Министарства ванjsких послова Босне и Херцеговине број: 09/1-32-34-21-357/15 од 27.04.2015. године, акт Основног суда Брчко дијстрикта Босне и Херцеговине, број: 096-0-RegZ-16-001920 од 23.09.2016. године, Рјешење о регистрацији основног суда у Брчко дијстрикту БиХ, број: 096-0-RegZ-13-000679 од 07.08.2013. године те актуелни извод из судског регистра, акт Јавног предузећа „ЛУКА БРЧКО“ д.о.о. Брчко

distrikt BiH, broj: 1610/2016 od 30.09.2016. godine, Statut Javnog preduzeća „LUKA BRČKO“ Brčko distrikt Bosne i Hercegovine.

U svojoj izjavi, od 27.12.2016. godine, imenovana navodi da su otklonjeni razlozi zbog kojih se nalazila u sukobu interesa, jer je njen suprug Pero Gudeljević 13.12.2016. godine dao ostavku na mjesto direktora JP „LUKA BRČKO“ Brčko distrikt Bosne i Hercegovine te da je imenovan na funkciju Predstojnika odjela za gospodarski razvitak, šport i kulturu u Vladi Brčko Distrikta. S tim u vezi imenovana moli da se navedene okolnosti uzmu kao olakotne prilikom odmjeravanja kazne.

Provjerom kroz službene baze podataka, uvidom u prikupljenu dokumentaciju, analizom izvedenih dokaza, svakog pojedinačno i u međusobnoj povezanosti, utvrđeno je slijedeće činjenično stanje:

- da je Ankica Gudeljević imenovana na funkciju savjetnice u uredu zamjenika ministra u Ministarstvu vanjskih poslova Bosne i Hercegovine na period od 20.04.2015. godine do isteka mandata zamjenika ministra u Ministarstvu vanjskih poslova Bosne i Hercegovine, te da u smislu člana 3. stav (1) tačka g) Zakona o sukobu interesa u institucijama vlasti Bosne i Hercegovine imenovana ima status savjetnika;
- da je Pero Gudeljević bliski srodnik, suprug Ankice Gudeljević;
- da je u sudskom registru, koji se vodi kod Osnovnog suda u Brčko distriktu BiH, upisano preduzeće JP „LUKA BRČKO“ Brčko distrikt Bosne i Hercegovine d.o.o., te da je dana 07.08.2013. godine Pero Gudeljević upisan kao lice ovlašteno za predstavljanje i zastupanje – direktor navedenog preduzeća;
- da je Pero Gudeljević, na vlastiti zahtjev, razriješen dužnosti direktora JP „LUKA BRČKO“ d.o.o. Brčko distrikt Bosne i Hercegovine sa danom 13.12.2016. godine;
- da se u konkretnom slučaju radi o javnom preduzeću kako je to propisano u članu 3. stav (1) tačka l) Zakona o sukobu interesa u institucijama vlasti Bosne i Hercegovine.

Ovaj postupak se vodi zbog povrede odredbi iz člana 4. stav (1), člana 5. stav (1) a u vezi sa članom 8.a Zakona o sukobu interesa u institucijama vlasti Bosne i Hercegovine.

Član 4. stav (1) Zakona o sukobu interesa u institucijama vlasti Bosne i Hercegovine propisuje da je članstvo u upravnom odboru, nadzornom odboru, skupštini, upravi ili menadžmentu, ili u svojstvu ovlaštene osobe u javnom preduzeću nespojivo sa javnim funkcijama izabranog zvaničnika ili nosioca izvršne funkcije.

Član 5. stav (1) navedenog zakona propisuje da izabrani zvaničnici, nosioci izvršne funkcije i savjetnici, za vrijeme obavljanja javne funkcije i šest mjeseci nakon prestanka obavljanja te funkcije, ne mogu biti članovi upravnog odbora, nadzornog odbora, skupštine, uprave ili menadžmenta, niti biti u svojstvu ovlaštene osobe u javnom preduzeću.

Član 8.a navedenog zakona propisuje da pod uslovima definiranim u čl. 4., 5., 6. i 8. ovog Zakona, angažman bliskih srodnika izabranog zvaničnika, nosioca izvršne funkcije i savjetnika također dovodi do situacije u kojoj za ovog izabranog zvaničnika, nosioca izvršne funkcije i savjetnika dolazi do sukoba interesa.

Da bi se utvrdila odgovornost za povredu navedenih zakonskih odredbi moraju biti kumulativno ispunjeni postavljeni uslovi. Prvi uslov je da osoba protiv koje se vodi postupak ima status izabranog zvaničnika, nosioca izvršne funkcije ili savjetnika u skladu sa zakonom.

Drugi uslov je da je preuzela funkciju ovlaštenog lica ili člana uprave u javnom preduzeću, odnosno njen bliski srodnik, u vrijeme dok je obavljala funkciju izabranog zvaničnika, nosioca izvršne funkcije ili savjetnika.

Obzirom da je Pero Gudeljević, suprug imenovane, podnio ostavku na mjesto direktora JP „LUKA BRČKO“ Brčko distrikt Bosne i Hercegovine utvrđeno je da je tim postupkom otklonjen razlog koji je doveo do sukoba interesa kod Ankice Gudeljević. Navedena ostavka je uzeta kao olakšavajuća okolnost prilikom izricanja sankcije.

Kako su kumulativno ispunjeni svi uslovi za primjenu člana 4. stav (1), člana 5. stav (1)) a u vezi sa članom 8.a Zakona, Komisija je utvrdila da se Ankica Gudeljević nalazila u sukobu interesa, jer je u periodu dok je obavljala funkciju savjetnice u uredu zamjenika ministra u Ministarstvu vanjskih poslova Bosne i Hercegovine, istovremeno u periodu od 20.04.2015. godine do 13.12.2016. godine, njen suprug Pero Gudeljević obavljao funkciju direktora JP „LUKA BRČKO“ Brčko distrikt Bosne i Hercegovine.

Odlučujući o sankciji, Komisija je imenovanoj izrekla obustavu isplate dijela neto mjesečne plaće/primanja u iznosu od 10% koju imenovana ostvaruje kao savjetnica u uredu zamjenika ministra u Ministarstvu vanjskih poslova Bosne i Hercegovine, u trajanju od 3 (tri) mjeseca. Prilikom izricanja sankcije kao olakšavajuća okolnost uzeta je u obzir činjenica da je suprug imenovane podnio ostavku na mjesto direktora javnog preduzeća i time otklonio sukob interesa kod Ankice Gudeljević.

Osim navedenog, Komisija je cijenila i vremenski period u kojem je imenovana bila u sukobu interesa, pa joj je izrekla sankciju kao u dispozitivu, smatrajući da je visina izrečene novčane sankcije srazmjerna učinjenom prekršaju, te da izrečenom novčanom sankcijom neće biti dovedena u pitanje egzistencija imenovane i članova njene porodice.

Na osnovu naprijed navedenih činjenica, odlučeno je kao u dispozitivu odluke.

POUKA O PRAVNOM LIJEKU:

Ova odluka je konačna u upravnom postupku i protiv nje se ne može izjaviti žalba, ali se na osnovu člana 19. Zakona o sukobu interesa u institucijama vlasti Bosne i Hercegovine i člana 19. Zakona o upravnom sporovima Bosne i Hercegovine može tužbom pokrenuti upravni spor pred Upravnim odjelom Suda Bosne i Hercegovine u roku od 60 dana dana od dana prijema ove odluke.

Tužba se, u dva primjerka sa kopijom ove odluke, predaje Sudu BiH neposredno ili se šalje putem pošte preporučeno.

Dostaviti:

- imenovanoj
- dosije
- a.a.

